

六藝之一錄



欽定四庫全書

六藝之一錄卷四十六

石刻文字二十二

漢元儒先生婁壽碑

先生諱壽字元考南陽隆人也曾祖父攸春秋以大夫  
侍講至五官中郎將祖父大常博士徵朱尉司馬親父  
安貧守賤不可榮以祿先生童孩多奇岐嶷有志梳髮  
傳業好學不歇不脩廉隅不飭小行溫然而恭慨然而

錢塘倪濤撰

義善與人交久而能敬榮沮溺之耦耕甘山林之杳藹遁  
世無悶恬佚淨漠徜徉衡門下學上達有朋自遠冕紳莘  
莘朝夕講習樂以忘憂郡縣禮請終不回顧高位厚祿固  
不動心鹿絳大布之衣藁糶蔬菜之食蓬戶茅宇棖樞甃  
牖樂天知命確乎其不可拔也是以守道識真之主士高  
尚其事鄉鄰州鄰闕親歿懷年七十有八熹平三年正月  
甲子不祿國人乃相與論息處謚刻石作銘其詞曰  
皇矣先生裋息惟明優於春秋元嘒有成知賤為貴與

世無爭滌洩衡門禮儀滋醇窮下不苟知我者天身歿  
聲壘千載作珍繇之日月與金石存

右元儒婁先生碑篆額今在光化軍婁君名壽以靈  
帝熹平三年卒國人相與論德處詞謚之曰元儒先  
生猶陳寔之文範法真之元德也隸釋又有忠惠父  
魯峻碑亦非謚於朝者羣下私相謚非古也末流之  
弊故更相標榜三君八顧之目紛然而竒禍作矣碑  
首所篆婁字頗異圖經謂之翟先生碑歐陽公問之

王洙原叔以李陽冰篆文證之始知元儒為婁姓西漢紀從官給事官司馬中者注云宮之外門為司馬門蓋今之皇城門也東漢志宮掖門凡七每門一司馬考之於碑元賓為蒼龍司馬沈君為北屯司馬則主南宮門者劉曜為朱爵司馬靈臺碑管遵為東明司馬則主北宮門者婁君之祖為朱爵司馬而書作朱時者猶帝堯碑以繼作繼校官碑以剗作爻省其文也又有兩脩字皆作攸殆亦類此夫不脩廉隅不飭

小行居今則為過舉作文者乃以講婁君之美何也

書不云乎不矜細行終累大德漢儒其何擇焉

隸釋

諱音大奚切諷音與而切麋即麤字糲即糲字糲

即愛字裏即懷字

同上

右漢元儒婁先生碑云先生諱壽字元考南陽隆人也祖太常博士父安貧守賤不可榮以祿先生童孩多竒岐嶷有志好學不厭不飭小行善與人交久而能敬榮沮溺之耦耕甘山林之杳藹又曰有朋自遠

冕紳莘莘講習不倦年七十有八熹平三年二月甲子不祿今光化軍乾德縣圖經載此碑景祐中余自夷陵貶所再遷乾德令按圖求碑而壽有墓在穀城界中余率縣學生親拜其墓見此碑在墓側遂據圖經遷碑還縣立於敕書樓下至今在焉

集古錄

右隸書不著書撰人名字先生名壽字元考南陽人  
隱居不仕以教授為業延熹中立在光化軍乾德縣

壽墓之側

集古錄目



熹平三年正月立

金石錄目

元儒婁先生碑在襄州

金石略

右漢元儒先生婁壽碑集古錄云在光化軍乾德縣  
予自夷陵貶所再遷乾德令壽有墓在穀城界中而  
碑在墓側遂遷碑還縣立於勅書樓下則碑在當時  
得免於毀棄者歐陽公之力也隸釋云元儒先生蓋  
國人私謚猶陳寔之文範法真之元德而其末流之  
弊更相標榜三君八顧之目紛然而奇禍作矣予謂

漢人之好標榜其罹禍固宜然自漢至今千有餘年而私諡不廢亦未聞有罹禍者此又不可以執一論也光化軍即今襄陽府之光化縣而乾德亦其地云

金薤  
琳琅

### 婁壽碑陰

故五官掾婁闕伯三百故守長史掾夏光淵二百故從

事闕張千故府掾闕子闕二百故五官掾陳季高三

百故府掾終衆五百故督郵終仲行千故從事終村嚮

二百故督郵終伯康千故督郵范仲隱五百故府掾婁

伯肩五千故校官祭酒婁就五百故府掾陳德賢四百

故府掾終村興二百處亦夏仲高二百處亦夏劣高二

百處亦婁元闕三百處亦終永梁二百處亦婁元闕三

百處亦張彥闕二百處亦婁村都二百故守葉令終文

勝二百故督郵陳瑋公二百故督郵婁村生五百故府

掾婁仲絢二百故府掾婁敬闕百處士闕仲順二百

處士呂和孝二百處士豐子能三百處士婁宣卿二百

處士夏伯明四百處士陳子讓二百處士馮永南三百

處士鄧村敬二百處士婁闕臺五百處士婁多碧五百

故從事南郡許孔俊三百故從事闕陽闕故五官掾闕

都尹紂闕五百故督郵闕仲闕儀二百故督郵闕

百故督郵闕處士鄧超闕處士闕郁闕處

士友趙文宏三百處士汝南闕處士闕百處士

闕處士闕二百處士闕二百處士闕君

闕百處士闕舉闕百處士闕明百處士闕二

百

右婁壽碑陰可見者五十四人漫滅者四人其稱南  
郡汝南者二人餘蓋南陽人也此碑在光化而歐趙  
不云有陰初若可疑蓋漢人立碑多有陰往往推拓  
者畧而棄之好古之士身在他壤無自而知也婁先  
生南陽人而此有葉令又其間姓婁之可見者十有  
二人以前碑合之大小與中穿適相等然後知為婁  
君碑陰決也諸人所書者皆其字

隸釋

梁相費汎碑

梁相諱汎字仲慮此邦之人也其先季文為魯大夫有  
功封費因妣為姓秦項兵起避墜于此遂留家馬世業  
稼穡好學禮樂大漢之闕官司相繼絕而復續至梁府  
君以孝友至行聞於鄉邑任更郡右憲鄂賔直左公履  
法察孝廉除郎中屯騎司馬遷蕭令眩民如子先教後  
罰流元默之化奉以忠信守以敦篤左位九年百姓移  
風苛慝不佞姦寇不發變爭路銷推讓道生三年不斷

獄禎祥感應時沛有蝗獨不入界由此顯名國以狀聞

朝廷嘉諸拜梁相宣慈惠闕不帥自正當登台階延究

曷者被病遜位春秋八十卒二子慕闕鳳由宰府至堂

邑令政九江太守適孫玠感奚斯之義刊銘元石旌勒

厥美俾闕覽焉其辭曰

赫赫顯祖厥德懿鑠播勛於前奉碩基業遺愛於民福

流後胙庶闕昌闕左堂闕室功烈休矣末昆勳力

右漢故梁相費府君之碑篆額今在湖州費君名汎

堂邑令鳳九江太守政之父也鳳以威宗熹平中卒  
碑載費君二子所終之官此蓋其孫玠所立故其銘  
有穆穆顯祖之句鳳碑云孝孫字元宰生不識考妣  
追惟厥祖恩蓬首斬衰杖則鳳之子已蚤卒此所謂  
玠乃九江之子得鳳畝一金之產者左氏傳魯僖公  
賜季友汶陽之田及費碑作季文誤也趙氏曰費有  
兩姓音讀不同源流亦異其一音蜚嬴姓出於伯翳  
史記所載費昌費中楚費無極漢費長房其後也其



一音祕姬姓出於季友琅邪費氏及梁相者其後也

隸釋

碑以褰鄂鄂為蹇諤妖即氏字陞即地字同上

右漢梁相費府君碑其名字若云諱况字仲慮而况

疑為汎慮疑為寬其官閥可見者為蕭令九年沛有

蝗獨不入其界國以狀聞朝廷嘉諸拜梁相春秋八

十卒其銘頗簡而文字麤完云𩇑𩇑顯祖厥德懿鑠

播勛於前丕碩基業遺愛於民福流後胙自此磨滅

不可識者八字其卒章云功烈休矣來昆戮力而穆

字為歟古文多然

集古錄

右隸書不著書撰人名字君名况字仲慮官至梁相

碑不載其鄉里及刻石年月在今南京

集古錄目

右費况碑在湖州其額題漢故梁相費君之碑碑云

梁相諱况字仲慮此邦之人也其先季文為魯大夫

有功封費因以為姓秦項兵起避地於此遂留家焉

余家所收姓氏文字粗備以諸書參考頗多牴牾不

合姓苑云費氏禹後漢有長房蜀志有丞相禕又云  
今瑯琊亦有此姓音父位反李利涉編古命氏云費  
氏出自魯桓公少子季友有勲於社稷賜汶陽之田  
封邑於費子孫氏焉漢有費將軍其後有費忠費柔  
適蜀為寧蜀人忠之孫徙於荊州後遷江夏忠十代  
孫奕奕孫禕又家於蜀晉平蜀禕之子承復歸江夏  
林寶元和姓纂云費氏亦音祕史記紂幸臣費中夏  
禹之後楚有無極漢有直蜀有禕晉有詩又云瑯琊

費氏直之後也陳湘姓林云費氏音蜚夏禹之後余嘗考之此字有兩姓音讀不同源流亦異其一音蜚羸姓出於伯翳史記所載費昌費中楚費無極漢費將軍費直費長房蜀費禕之徒是其後也其一音祕姬姓出於魯季友姓苑所載瑯琊費氏而此碑所謂梁相費君是其後也然則姓苑姓纂姓林皆云夏禹之後姓纂又云亦音祕及謂瑯琊費氏為直之後皆其差誤而編古命氏以費將軍費禕之徒出於魯季

友亦非也余又按春秋僖公賜季友汶陽之田及費而左傳亦以謂季友有功於魯受費以為上卿今以

為季文有功封費者蓋碑之誤

金石錄

堂邑令費鳳碑

惟熹平六年歲格于大荒无射之月堂邑令費君寢疾

卒嗚呼哀哉於是夫人元弟故

闕

守卜

闕

追而誄

之其辭曰

君體履柔酥温其如玉脩孝友乎閨闕執忠憲於王室

立迹州郡仕更右職舉直措枉疆衛闕 儼貢孝三署勛

譽有則出宰近甸民懷厥德色斯輕翔翻然高潔王人

述職分闕 班爵台闕 招助鼎調物退已進弟不營榮

祿栖遲歷稔項領滯畜彰土不庭黔民作虐命君闕

政化闕 行從善遷恩三暮暮致道有恥且徂收守旌功

轉左堂邑垂拱不言而民帥伏三時之間卒以闕 洽旻

天不弔命也早歿春秋六十六繫儀瘁傷泣涕連漉豈

愛我躬命不可贖臨終迷闕 內發祖業良田畝直

一金推子弟息辭位讓財行義高邵卓不可及名實相

副有始有卒

闕

人善瘳兮切惻

闕

故吏故郵施業字世堅義民堂邑佷忠忠年十有一年

慈考早隕喪以備於禮制蓬首而

闕

壞而消辟地

闕

行母氏以

闕

而悼傷服

闕

非五五緣杖

其未除廣陵之郡守東海

闕

聞寢疾而終卒凡百普

悲

闕

舜化比屋之餘慶隨

闕

棺柩車哀以而逆

之祖載已畢訖還返其故鄉君

闕

其節操悲其有

闕

每以闕

其老親忠闕

君厚德念君之仁恩聞

君之隕隧剝斷而丰酸復截縲麻杖闕

君之柩棺扶號

而竭闕

泣涕其闕

甫於岐山闕

其

從之迷君而到官上書而度

儒字

君盡禽息之闕

君

之闕

君闕三闕

於山闕

列種嘉竒

樹特為之潤鮮忠業與闕

闕

猶君恩使然雖君有大化

孰能爾者難子喪之終闕

闕

思其顏而闕

死可贖不

愛闕

闕

人今君於彼卓譎而超倫吏民慕高蹤來者



其如雨偉名建勝石垂示於闕門下功曹徐侃字元節

主簿呂嘉字元闕主史陳信字聖舉主記史闕忠字建

臺門下游激闕字叔騰門下賊曹闕字聖臺門下

史曹助字仲臺闕史呂常字孝讓從掾位徐超字元賞

右漢故堂邑令費君之碑篆額今在湖州費君名鳳

自郎中嘗宰新平故鄣堂邑三邑以靈帝熹平六年

卒其妻之弟卜君追誄之乃作此碑碑中無名字見

之石君詩碑云祖業良田畝直一金推予弟息此固

可嘉至於退已進第不營榮祿則又人之所難其云  
行義高邈卓不可及名實相副有始有卒信哉此云  
黎儀瘁傷孔宙碑亦云乃綏三縣黎儀以康黎則黎  
老之稱儀則讀如旄倪之倪也誅之後載施業戚忠  
二人竭力送終之事業者鄆土之故吏忠者堂邑之  
義民皆費君之舊部也其辭皆五言石磨滅文不相  
屬初叙戚忠早喪慈考母服未除有廣陵之役聞訃  
來奔祖載還鄉及泉隧有期復截縗杖扶號柩棺列

種奇木建立磐石此其大略也非五五者居喪非食  
二十五月也岐山者其地名其後有門下功曹題名  
者九人

碑以執為執格于大荒有耻且格皆不从木

同上

右堂邑令費君碑云惟熹平六年無射之月堂邑令  
費君寢疾卒嗚呼哀哉於是夫人元弟卜肩追而誄  
之其後有銘詩碑所述費君事不甚詳悉而其名字

世次官秩具載于碑陰今附於後

金石錄

右漢堂邑令費君碑乃君夫人之弟卜肩所撰蓋誅  
辭也辭之後載鄣土故吏施業堂邑義民咸忠皆竭  
力送終而忠之所行尤為卓絕攷之費君歿時忠有  
廣陵之役既聞訃來奔祖載還鄉及葬有期復截緣  
麻俯號柩前列植邱木誠可謂之義矣漢去古未遠  
故民俗之厚如此若後世其可得哉

金薤  
琳琅

費鳳別碑

君暘家中孫曰陵石勛字子才載馳載驅來奔于喪庭

肝確意悲感切傷心瞻彼碑誅懷之好音司馬慕蘭相  
南容復白珪仰之以彌高鑽之而彌堅不堪言且思叙  
詩之一篇庶選昔子夏起夫子之所言其辭曰

君諱鳳字伯蕭梁相之元子九江太守之長兄也世德  
襲爵銀焚相亞煇遐祖之鴻軌拓前代之休蹤邈逸越  
而難繼非羣愚之所頌仁義本於心慈孝著於性言不  
失典術行不越矩度清潔皦爾坐而不滓恤憂矜厄施  
而不記由近及遠靡不覆載故能闡令名而雲騰揚盛

聲而風布踐郡右職三貢獻計辟州式部忠以衛上漢  
安二年吳郡太守東海郭君以君有透地之節自公之  
操年世一舉孝廉拜郎中除陳國新平長神化風靡惠  
以流下靜而為治匪煩匪擾乾乾日昃矜此黔首功成  
事就色斯高舉宰司委職位思賢以自輔元懿守謙虛  
白駒以滌隍丹陽有越寇浸

闕

命君討理之試

守故鄣長蓋危亂有不讓又畏此之圃周

闕

而闕牧

爰止其師旅鴻若飛鷹鷄錦若夫號虎彊者綏以德弱

者以仁撫簡在上帝心功訓而特紀轡輿宰堂邑朞月  
而致道視闕 遂據于卿尹中表之恩情兄弟與

甥甥鳩與女蘿性樂松之茂好聞君顯令名舉宗為歡  
喜不恪奄忽終歲形而匿景耕夫釋耒耜桑婦投鉤莒  
道阻而且長望遠淚如雨英馬循大路褰裳而涉洧悠  
悠黍離思黃鳥集于楚惴惴之臨穴送君於厚土嗟  
嗟悲且傷每食歌不飽夫人篤舊好不以存亡改文平  
感渭陽悽愴益以甚諸姑咸璧踊爰及君伯姊孝孫字

元宰生不識考妣追惟厥祖恩蓬首斬緣杖世所不能  
為流稱於鄉黨見吾若君存剝裂而不已壹別會無期  
相去三千里絕翰永忼慨泣下不可止

右費鳳別碑刻舅家中孫甘陵石勛詩一篇其辭云  
瞻彼碑誄懷之好音謂卜君所作也其詩先叙世系  
厯官繼以韻語六十句其三句六言餘皆五言石君  
蓋鳳之中表也所述兄弟甥舅諸姑伯姊夫人孝孫  
悲傷哀痛之意宛轉淒切費氏父子三碑合並列於



吳興校官之壁不知者指此為碑陰趙氏亦有斯誤  
其中塗而不津盖用涅而不緇鵠若飛鷹鷄虢若夫  
虢虎盖用駝彼飛隼闕如虢虎其字有不同者若非  
假借則是傳授異也

隸釋

碑以確為推以選為幾以透虵為委蛇以鬻為逐

以基為碁以辟為躡

同上

右漢費鳳碑云字伯蕭梁相之元子也漢安二年舉  
孝廉拜郎中除陳國新平長又云試守故鄣長其文

班班可見而卒葬年壽皆不載其後悉為五言韻語  
其略曰不悟奄忽終藏形而匿景耕夫釋耒耜桑女  
投鉤宮道阻而且長起坐淚如雨其文既非工故不

悉錄

集古錄

右石勛撰隸書不著書人名氏鳳字伯蕭漢安中歷  
守故鄆堂邑長勛自稱鳳舅家中孫文悉為五字句

不著所立年月

集古錄目

右費君碑陰云君諱鳳字伯蕭梁相之元子九江太

守之長兄也世德襲爵銀艾相亞又云君踐郡右職  
三貢獻計漢安二年吳郡太守東海郭君以君有委  
蛇之節自公之操年卅一舉孝廉拜郎中除陳國新  
平長遂宰堂邑其後為五字韻語詞頗古雅而時時  
殘缺不可次叙其前題君舅家中孫甘陵石勛字子  
才所述云

金石錄

伯蕭碑陰者石子才之所作也子才甘陵人自稱君  
舅家中孫瞻彼碑誅不堪哀思而叙之以詩也其詩

有云中表之恩情兄弟共甥舅萬與女蘿性樂松之  
茂好聞君顯令名舉宗為歡喜不悟奄忽終藏形而  
匿景又云策馬循大道褰裳而涉洧惴惴之臨穴送  
君於厚土末又云一別會無期相去三千里絕翰永  
怆慨泣下不可止賢哉石君不遠三千里而會中表  
之喪也今之人以貴陵賤以富忽貧薄恩敗禮喜不  
慶憂不弔者幾何人也嗚呼觀此碑者情友親厚之  
心可以悠然而生矣

集古  
後錄

右漢堂邑令費鳳別碑歐陽公直以為費鳳碑趙明  
誠則以為費鳳碑陰隸釋謂費氏父子三碑並列於  
吳興校官蓋鳳之父汎為梁相有碑而鳳亦自有碑  
此則鳳中表石勛字子才之所述也集古後錄謂勛  
不遠三千里而會中表之喪觀此情友親厚之心可  
以悠然而生則隸釋所稱別碑為是三碑今皆不存  
此予得之四明豐解元坊宋榻本也

金薤  
琳琅

堂邑令費君碑熹平六年立有碑陰在湖州

金石  
略

酸棗令劉熊碑

水經注作酸棗令劉孟陽碑  
集古錄作俞鄉侯季子碑

君諱熊字孟

闕

廣陵海西人也厥祖天皇大帝垂精接

感薦生聖明

闕

仍其則子孫亨之分源而流枝葉扶疏

出王別胤受爵列土封侯載德相繼不顯

闕

光武皇帝之元孫廣陵王之孫俞鄉侯之季子也誕生

照明岐嶷踰絕長

闕

柴守約履勤體聖心獻敦

五經之瑋圖兼古業覈其妙行脩言道

闕

宜

京夏莫不師印六籍五典如源如泉既練州郡卷舒委

隨忠貞闕效官闕

出省揚土流化南城政猶北辰

衆皇所從三祀有成來臻我邦循東闕之惠抑闕禮官

賞進廣碩約之以禮博之以文政教始初慎微五典勤

恤民殷闕心顧下闕仁恩如冬日威猛烈炎夏貪究

革情清脩勸慕德惠潛流壑芳旁布尤愍縣闕濟濟之

儀孜孜之踰帥廣後學致之靡泮草上之風莫不嚮應

悅誨日新砥闕素七業勃然而興咸居今而好古雖

未盡道善必有所由處民之秉彛實我劉父其人魯無

君子斯言取旃允我劉父言善誘人講禮習聆匪徒豐  
學屢獲有年載克成神民協欣兩不相傷故德友歸焉

自古在昔先民有作洪勲則甄盛德闕刻表諸來世垂

之罔極褒賢表善揚幽拔徹式序在位量能授宜官無

曠事闕為正以卒為更愍念烝民勞苦不均為作正

彈造設門更富者不獨逸樂貧者得順四時積和感暢

歲為豐穰賦稅不煩實我劉父吏民愛若慈父畏若神

明悔闕令德清越孤竹德年產奇誠宜褒顯照其憲則



乃相闕咨度諏詢采摭謠言刊闕詩三章其辭曰

清和穆鑠實惟乾元惟鬱降靈篤生我君服骨獻聖允  
鍾厥醇誕生岐嶷言協典墳懿德震耀孝行通神動履  
規繩文彰彪續成是正服以道德民

有父子然後有君臣理財正辭束帛多矣闕夢刻像鶴

鳴一震天臨保漢實生闕勲明試賦授夷夏已親嘉錫

來撫潛化如神其神伊何靈不傷人

猗歟明哲秉道之樞養闕之福惟德之隅淵乎其長渙

乎成功闕暇民豫新我闕通用行則達以誘我邦賴茲

劉父用說其蒙澤零年豐黔首歌頌

右酸棗令劉熊碑篆額石一行微有棗令劉字則知  
所題非十即八也碑云出省揚土流化南城三祀有  
成來臻我邦則酸棗非始仕之地碑美其勤恤民隱  
恩威並行帥厲後學善誘日新至叙力役之事尤詳  
其辭云以卒為更愍念烝民勞苦不均為作正彈造  
設門更富者不獨逸樂貧者得順四時積和歲豐賦

稅不煩可見劉君茲事尤為民便故百姓以劉父稱  
之碑之所以作也以卒為更之上有為正二字而闕  
其餘董仲舒云月為更卒已復為正小民安得不因  
注云更卒謂給郡縣一月而更者正卒謂給中都官  
者西京更有三品後雖改易官不得人則害常自若  
也水經云酸棗城有縣令劉孟碑今碑損其一字歐  
陽公不知碑在酸棗無以名其官遂謂之俞鄉侯李  
子碑趙氏云光武子廣陵王荆以譴死李利涉編古

命氏云荆生俞鄉侯平生彪襲封據此熊當為彪  
之弟然則於光武乃其曾孫而曰元孫碑之誤也唐  
王建題此碑詩云蒼苔滿字土埋龜風雨消磨絕妙  
辭不向圖經中舊見無人知是蔡邕碑元祐中蘇邁  
書胡戢之語謂此與劉寬碑同建詩為不誣予謂此  
固漢隸之上品似非中郎筆法其文有云七業勃然  
而興咸居今而好古其詩則曰有父子然後有君臣  
文律如此難以謂之絕妙辭也

隸釋

碑以亨為享，殷為隱，究為兗，踰為諭，偶為隅，鶴在

鳴，上省，文作霍。

同上

酸棗縣城內有後漢酸棗令劉孟陽碑。

水經注

右漢俞鄉侯季子碑云：君諱熊，字孟下，闕一字，廣陵

海西人也。厥祖天皇大帝垂精接感，篤生聖明子孫。

享之分源，而流枝葉，扶疎出王別肩，受爵列土，封侯

載德君光武皇帝之元孫，廣陵王之孫，俞鄉侯之季子。

也。繇是而後，文字缺減，其稍稍可讀者，時得其一二。

云六籍五典如源如泉既練州郡卷舒委隨化流南  
城政猶北辰三祀有成來臻我邦仁恩如冬日威猛  
烈炎夏吏民愛若慈父畏如神明其後又云採摭謠  
言作詩三章據碑文無卒葬年月而其辭若此似是  
德政碑按後漢書光武皇帝子曰廣陵思王荆荆子  
元壽等四人皆封鄉侯史略而不載其名俞鄉侯者  
不知為誰思王荆之第幾子也天皇大帝之語自漢  
以來有矣

集古錄

右隸書不著書撰人名氏君名熊字孟孟下缺一字  
廣陵海西人漢之宗室父封俞鄉侯此其德政碑也  
但曰來居此邦而不書其郡縣之名不著所立年月

在今揚州

集古  
錄目

右劉熊碑在今酸棗縣云君諱熊字孟孟下闕一字  
按酈道元水經酸棗城內有漢縣令劉孟陽碑今據  
碑熊實為此縣令然則所闕一字當從水經為陽也  
碑文云君光武皇帝之元孫廣陵王之孫俞鄉侯之

季子也按後漢書光武皇帝之子廣陵思王荆以謹  
死顯宗封其子元壽為廣陵侯又封元壽弟三人皆  
為鄉侯而李利涉編古命氏唐書宰相世系表皆云  
荆生俞鄉元侯平生彪襲封今據熊當為彪之弟  
然則於光武乃其曾孫而云元孫者疑碑誤

金石錄

漢酸棗令劉熊碑在本縣古城內按其文熊字孟陽  
仕酸棗令百姓刻石紀績有陰記立碑故吏姓名

天下

碑錄



酸棗令劉熊紀績碑有碑陰在東京

金石略

右漢酸棗令劉熊碑集古錄作俞鄉侯季子碑且謂碑云君諱熊字孟下缺一字復引後漢書光武子曰廣陵思王荆荆子元壽等四人皆封鄉侯而不載其名俞鄉侯者不知為誰金石錄引酈道元水經注云酸棗城內有漢縣令劉孟陽碑則所缺一字當從水經為陽又引李利涉編古命氏及唐宰相世系表皆云荆王生俞鄉元侯平平生彪襲封則熊當為彪之

弟乃光武曾孫而曰元孫者碑之誤也隸釋謂歐陽公不知碑在酸棗無以名其官遂謂之兪鄉侯季子碑而引王建題此碑詩云不向圖經中舊見無人知是蔡邕碑而又疑其非中郎筆法予則以為建生於唐其云蔡邕碑者蓋本之圖經而非鑿空而言洪氏不當於此而疑之也

金薤琳瑯

劉熊碑陰

故徵試博士

闕下

故華長蘇真

闕下

故華長戴燿

闕下

故上計

下故郎中計宏叔寵三百故兗州從事仇審季下三百

故下事君仇方孟飭三百故外黃守令尹松大德五百

故雍邱守令李保世德三百故雍邱守令下穆元憲三

百故外黃守令李卓卓異三百故守東昏長蘇勝德陽

二百故五百掾王暹宜孟三百故雍邱守令王習叔河

三百故督郵左位宣高二百故督郵李璠景德二百故

督郵李徽景臺二百故督郵蘇翔山甫二百故督郵楊

茂季曾二百故督郵顏亮光祖二百故郡曹史李豫妙

高二百故郡曹史顏詩惠祖二百故郡曹史楊寯世直

二百故郡曹史王仁公直二百故郡曹史王貢叔臺二

百故郡曹史蘇寧寧下闕二百故郡曹史仇惟彥成二百

故郡列掾李表憲臺二百故郡文學李義子仁二百故

浚儀守丞李璜伯瓌下闕二百故守丞仇邵景傳二百

故陳留守尉樊殖仲舉二百故河隄從事下闕萬世下闕

故河隄從事李備彥下闕故兗州書佐尹維彥真

五百故雍邱守尉李謙子山二百故外黃守尉誠咸升

卓二百故功曹尹慎元節二百故功曹邴勝世高二百

故功曹蘇信君咨二百故功曹馬昂卓舉二百故功曹

三頌季寧二百故功曹尹真元真二百故功曹馬汜解

卿三百故功曹蘇僑文睢二百故功曹蘇下景真二百

故功曹楊下闕仲紀二百故功曹毛儀眎方二百故功曹

李儒公林二百故功曹蘇奉奉祖二百故功曹皮周睢

真二百故功曹揚芬伯曾二百故功曹顏規孝舉二百

故功曹殷備山祖三百故功曹常周彥周二百故功曹

田宣宣孟三百故功曹仇下闕彦博二百故功曹左鳳彦

皇五百故功曹李性孝慈三百故功曹李護子讓三百

故主簿衛宣宣臺二百故主簿張芝下闕真二百闕一從

掾位李奉奉明二百從掾位下闕子然三百從掾位尹

彬睢方三百從掾位王東公舉三百從掾位左宜扶風

二百從掾位景殖叔敬二百從掾位張除叔下闕二百從

掾位張臨下闕二百從掾位李榮彦德二百從掾位左

脩敬祖三百從掾位宋蓋季甫三百從掾位馬萌子明

二百從掾位陳揖文讓二百從掾位彭來叔祖二百從

掾掎橫公節三百處士宋仲博闕三百處士許宗文祖

二百處士李相成祖二百處士王鳳德升三百處士焦

鳳德皇二百處士顏闕子禮五百處士尹官彦高二百

處士蘇位雲臺五百處士李勝子才三百處士紀珪孝

范三百處士董悝彦臺五百處士蘇璋孔彦五百處士

屈孔子瑋三百處士李緄奉和三百處士闕彦宜五

百處士尹茂孔才四百處士尹瑋彦璜五百處士尹德

橫五五百處士殷郁

闕

德二百處士李禮公儀三百處

士邵亘孔才五百處士崔鵠孝才五百處士

闕

昭明

三百處士殷經德明三百處士雄稠景直五百處士韓

庠元序五百處士君愷孝讓五百處士尹雄雲臺二百

處士許將彥榮五百處士王

闕

德讓五百處士殷楷彥

直五百處士殷況元像二百處士楊商子翼三百處士

蘇豔彥公三百處士桃詩彥雲五百處士馬儀彥周三

百處士馬郡彥朝五百處士公

闕

雲五百處士曹長



顯才五百處士

闕

仲章五百處士

闕

博五百處

士王鍾叔璜五百處士馬順德

闕

三百處士

闕

五百處士樊

下闕

處士

下闕

蘇穆公臺

闕

百處士

闕

德

闕

百處士蘇恩公

闕

五百處士杜

闕

彥璜五百處

士左儀德祖二百張

闕

子讓五百處士張

闕

元表三百

處士

闕

三百處士杜

闕

子惠五百好學尹

闕

二百好學韓彫子

闕

百好學魯庠子序二百好學

李泉叔

闕

二百好學問仲叔明二百好學誠

闕

密二

百好學張童子章二百好學寇高彥高二百好學雄就

子成二百好學江闕敬臺二百好學毛邵文和二百好

學焦寄子珺二百好學李恭敬讓二百好學宋茂彥闕

二百好學宋寧萬歲二百好學稽詳子季二百好學趙

穉景闕二百好學張武彥成二百好學焦方子政二百

好學下闕好學下闕蘇下闕好學許禮文已下石燿皆下闕好學

程當子闕好學李墨子闕好學李仲叔仲好學尹朝子

闕好學闕子闕好學左重彥松好學李漢子漢好學

李泰子 好學尹倭 好學衛阿子 好學江真好

學趙 子賢好學李墜子墜好學 吉甫好學張侶

叔 好學擣 子和好學李周子周好學王福子祿好

學翟馮子 德行蘇倉子盈 好學 好 好 好

右劉熊碑陰其可見者百八十人不書郡吏皆酸棗

人也其稱故華長雍邱令之類則邑之薦紳大夫也

其稱故郡文學故督郵之類則嘗吏於郡者也其稱

從掾位則酸棗之吏而不稱故吏則可見劉君之在

官也處士之後有好學四十餘人必泮宮之後進以處士為丈人行者其間有德行一人必是嘗貢孝察

廉者隸釋

棠長蔡湛頌

君諱湛字子德河內脩武人也其先闕周封叔闕葉

文王采食蔡闕剽其氏麻世卿尹有功王室

迄於大漢繼踐繁隆內任台翼外作股肱元初之闕

擾攘君考銜詔東掃其難宰化闕苻守吳郡再在闕

闕復牧青州風聲所加闕

希愛樹之美湛剽其中

子也少耽七典闕

碩材闕

州郡名寶鄉黨辟州從

事上闕

舉孝廉以疾辭讓應司徒府除廣川長公

事去官復辟大尉以熹平四年六月乙卯詔書除闕

政也躬清絜以革穢班五禮以齊衆官剽不勞民

亦無事於斯闕

孝翁習而帥闕

蕭滌而雲消爾

乃來幽秀於巖列嘯闕

於閭閻欽者賢以闕命闕齊

俗以殊禮闕

良闕足而思節為惡迎化而移心闕

胤清和而琬琰時雨應氣而投間嘉祥臻

闕

生

年穀豐儲歲有其成遠隣附就戶口增前視事三年遷

高邑令吏民追思如

闕

朝夕思焉夫播禮以正俗少

律以植姦無為而稱治盪盪有功

闕

飛陶唐氏其孰能

闕

乎鄭產密豹之徒殆不及矣蓋良君興遺愛民

闕

栞銘樹古今之通義也於是吏

闕

栗尹等相與

合會立碑起頌刊石焉其辭曰

穆穆蔡君國之俊綱應禮

闕

不降其光乃就台鼎厲

足高闕協美公門衮職是望闕賦廣川不挫其芳乃旋

色厲更迹惟良舒羽來臨我國是煌靡闕不闕罔禮不

通民用寧闕風俗以康三載勲最功澄王府命作高邑

臨拜州闕吏民追思乃銘其叙昭示闕裔亦孔之表君

德含宏有君子道四焉

聖朝明哲以爵寵賢光和四年十二月甲闕詔書拜并

州刺史  
光和四年七月七日丁闕二  
字

右漢故豪長蔡君之頌隸額在真定有陰靈帝光和

四年立蔡君名湛治棠三載而遷高邑吏民思其惠政故栗尹等共刊斯石頌後又志其并州之除蓋續

書也

隸釋

碑以盪為湯飛為非麻即歷字帑即布字劓即則

字厲即厲字禔即禱字

同上

右漢棠長蔡君頌碑在鎮府故天章閣待制楊旼嘗為余言漢時隸書在者此為最佳旼自言平生唯學此字余不甚識隸書因旼言遽遣人之常山求得之



遂入於錄

集古錄

右不著書撰人名字為隸書君名湛字子德河內脩

武人碑以光和中立在鎮府

集古錄目

右藁長蔡君頌云君諱湛字子德河內脩武人也又

云舉孝廉辭讓應司徒府除廣川長復辟太尉熹平

四年六月詔書其下斷缺似是敘述遷藁長及在官

政績又云三年遷高邑令吏民追思於是故吏栗尹

等相與合會立碑起頌刊斯石焉其後有銘最後題

光和四年十二月詔書遷并州刺史其大略如此其

他文字殘缺不可考矣

金石錄

漢藁城縣長蔡湛碑在本縣西二十五里光和四年

立

天下碑錄

藁城長蔡湛碑有碑陰光和四年鎮州

金石略

蔡湛碑陰

右蔡湛碑陰載出錢人名有故吏賤民議民故三老處士義民其稱故吏義民之類他漢碑多有之唯議

民賤民獨見於此碑然莫詳其義金石錄

溧陽長潘乾校官碑

蓋漢三百八十有七載闕

于闕

銘功著斯金石

昇誄曰

溧陽長潘君諱乾字元卓陳國長平人蓋楚大傅潘崇

之末緒也君稟資南闕之闕

德之絕操髻闕

敏闕學典謨祖講詩易剖演奧藝外覽百家衆闕挈聖

抱不測之謀秉高世之介屈私趨公即仕佐上郡位既

重孔武赴箸疾惡義形從風征暴執訊獲首除曲阿尉  
禽姦戔徧寇息善歡履菰竹之庶蹈公儀之絜察廉除  
茲初厲清肅賦仁義之風闕之迹垂化放虐岐周

流愛雙序

闕

親賢寶智進直退慝帑政優優令儀令

色獄無呼嗟之寃樹無叩匈之結矜孤頤老表孝貞節  
重義輕利制戶六百有無正繇不賈自畢百姓心歡官  
不失實於是遠人聆聲景附樂受一廛既來安之闕役

三年惟泮宮之教反

闕

俗之禮構脩學宮宗懿招德既

安且寧干侯用張遷且用瞰發彼有的睢容闕悶鍾磬

縣矣于肯樂焉乃作叙曰翼翼聖慈惠我華蒸貽我潘

君平茲溧陽彬文赴武扶弱抑彊闕刈馘雄流惡顯忠

咨疑元老師取作朋脩學童冠琢質繡章實天生德有

漢將興尚旦在昔我君存今闕此龜艾遂尹三梁永世

支百民人所彰子子孫孫卑介熾昌

丞沛國銍趙勳字夢伯左尉河內汲董竝字公房右尉

豫章南昌程陽字孝遂

時將作吏名戶曹掾楊淮議曹掾李就議轉掾栢檜戶  
轉史賀闕從掾位侯祖主記史吳超門下史吳訓門下  
史吳翔門下史時球

光和四年十月己丑朔廿一日己酉造

右校官之碑隸額靈帝光和四年溧陽為其長潘君  
作紹興十三年溧水尉喻仲遠得之固城湖中碑今  
在溧水縣潘君名乾自曲阿尉來宰溧陽興學官講  
賓射碑頌所由作也其間用字剡省其刀賢去其貝

干侯用張者周禮士以三耦射豻侯大射禮用干字

尚旦在昔者似謂太公周公也

隸釋

碑以華為黎卑為俾從即從字廡即厲字璽即垂

字智即智字還即退字楸即野字賈即責字藪即

蔓字房即房字

同上

漢校官碑宋紹興十一年漂水尉喻仲遠得於固城

湖濱置之官舍今在孔廟之大門右長樂陳長方雖

嘗碑其所得本末釋文則未之見碑以靈帝光和四

年歲在辛酉造距今凡一千一百五十三年番陽洪  
景伯先生出字為之釋謂挈為契輦為黎畀為俾榘  
為野賈為賁剗去其刀賢去其貝干侯與豸侯通尚  
且為周公太公可謂精審有據其餘不可辨者尚有  
二十七字今觀首行自三百字以下上斯字凡十有  
六字比之洪氏作釋文時又皆不可攷且如第三行  
之字之下是禱字禱下缺一字有天字敏之上是克  
字衆之下是儻字退之下是匿字役之上為復反之



下為失此之下為即皆隱隱可見洪氏悉以為闕又  
如既安且寧則以為呂寧梅檜則以為桓檜豈當時  
誤於墨本而然耶溧陽志至謂元卓為元貞是又以  
名乾而傳會也禧承乏於茲暇日與士友曹國傑摩  
娑久之得其二三因以洪先生釋文列於上僭附所  
見於其下勒諸樂石以補前脩之所未及者餘尚俟  
博雅君子云至順四年龍在癸酉夏五月文學掾濟  
陰單禧謹識

右漢溧陽長潘乾校官碑在今南畿溧水縣學蓋溧水即漢溧陽地也予初得此碑而不知其有釋文近始得之乃元至順四年校官單禧所為而刻之者也禧謂此碑宋紹興中縣尉喻仲遠得於固城湖濱置之官舍則其得免於毀棄仲遠之力也禧又有跋謂考訂碑文與隸釋不同者二十七字而復辨溧陽志之失可謂有功於文字者故備錄之

金薤  
琳瑯

溧陽長潘乾校官碑八分書光和四年十月宋趙彥

衛雲麓漫鈔曰范曄後漢書永平十年閏月甲午南  
巡狩幸南陽祠章陵日北至又祠舊宅禮畢召校官  
弟子作雅樂奏鹿鳴帝自御塤箎和之以娛嘉賓則  
東漢時縣有校官矣 都穆金薤琳瑯曰碑在今南  
畿溧水縣學溧水即漢溧陽也有元至順四年單禧

釋文考正碑文與隸釋不同者十餘字

金石文字記

六藝之一錄卷四十六

欽定四庫全書

六藝之一錄卷四十七

錢唐倪濤撰

石刻文字二十三

太尉陳球碑

君諱球字伯真有虞氏之裔也當周盛德有虞過父為

陶闕下公生公子完適齊為桓公公正其後强大遂有齊

土楚漢之闕下官生毛有令名廣漢太守公既纂世業不

隊前軌孝友祗穆闕下典誥微言睢頌情指憲法綱紀莫

不守其將貫綜其倫理采闕換東城門候虔恭職司夙

夜匪解遷繁陽令寬以下闕温而闕不闕遺跡邈而不

闕喪母去官服除辟司徒府拜侍御史闕陸梁荆揚州

郡闕弱莫能禁御太尉楊秉舉公闕帥闕溪下闕弱下闕

難一闕而平詔書下闕十萬州闕公發遣家

屬辟下闕難公赫闕有言者斬乃悉闕人民老弱闕共

下闕材為大弧闕攻前闕遇之弘眾而遁全郡保闕六

字拜子男闕作大匠孝桓晏駕下闕躬親功闕司

空高玄表公為河南闕下惟明克闕下遂作司空通導

水泉稼畜繁阜陰陽闕下致仕賜榮而退復拜永樂少府

光闕下而不撓雖有周之申甫漢佐之匡翟闕下知公之

明德其辭曰

於顯明德峻詰闕下亶闕下不度伊闕下

右漢故太尉陳公之碑篆額陳公名球下邳淮浦人

三剖郡符五入卿寺再為三公靈帝光和二年卒本

傳云球令繁陽郡守求賄不獲撾督郵令逐之督郵

不可曰魏郡十五城獨繁陽有異政乃止桂陽賊李  
研陸梁荆部州郡懦弱不能禁太尉楊秉表為零陵  
守暮月而賊散州兵朱盖反與桂陽胡蘭轉攻零陵  
編木為城不可守備掾史白遣家避難球怒曰復言  
者斬乃悉內吏人老弱與共守城弦大木為弓相拒  
十餘日會救至賊破詔拜一子為郎熹平元年為廷尉  
曹節欲別葬竇太后詔公卿大會朝堂球忠憤奮發  
抗議不撓姦偉為之退聽史載其事六百餘言光和



二年為永樂少府與司徒劉邵謀誅宦官事泄下獄  
死史載其事又三百餘言大凡碑碣率與史傳牴牾  
球之二碑獨繁陽事迹不同所書零陵平賊事雖石  
破文缺其存者皆與傳合至廷尉永樂時則一辭不  
措故熹平之議光和之謀咸無焉殆有所畏而然也  
嗚呼東漢閹寺之盛人主拱手君子喪氣然剛毅之  
士寧接踵以赴死不詘身以媚竈故漢道雖曰陵遲  
無法度紀綱可以憑藉而能立國又百餘年者皆義

士忠臣之力也漢志雒陽城有中東門上東門後碑  
 亦作中東城門此碑云換東城門候殆省文也左傳  
 虞闕父為周陶正而此作遏父陳敬仲至齊為工正  
 掌百工之官也而此作公正太尉橋公而此作喬皆

借用也

隸釋

碑以隊為墜番為穡

全上

下邳城之西北有漢太尉陳球墓墓前三碑是弟

子管寧華歆等造

水經注

右漢太尉陳球碑云君諱球字伯真廣漢太守之元  
子也又云除郎中尚書符節郎慎陵園令換中東城  
門候遷繁陽令拜侍御史其後又云拜將作大匠其  
餘磨滅僅存按後漢書球傳云父疊廣漢太守陽嘉  
中球舉孝廉稍遷繁陽令太尉楊秉表球零陵太守  
後累拜司空光和元年遷太尉坐日食免復拜光祿  
大夫與司徒劉郃等謀誅宦官曹節等不果下獄死  
球在零陵破賊胡蘭朱盖有功威著南邦今碑破蘭

蓋事班班可讀與傳皆合惟不著誅宦官事至其卒  
時文字磨滅不可識惟云六十有二亦與傳合予所  
集錄古文與史傳多異惟此碑所載與列傳同也

集古

錄

右隸書不著書撰人名氏球字伯真後漢光和中位

至太尉不知所立年月

集古  
錄目

右太尉陳球碑球有兩碑皆在下邳其一已殘闕此  
碑差完可考前代碑碣與史傳多抵牾而球碑所載

官闕事跡與傳合東漢之末政在閹寺威福下移其  
勢蓋可畏也而一時衆君子猶奮不顧身力排其姦  
雖遭屠戮而不悔志雖不就然亦可謂壯哉如球是  
已使當時士大夫能屈已以事之則富貴可長保矣  
然君子固未肯以彼而易此也

金石錄

光和元年邕文并書徐州

金石錄

光和二年立在淮陽軍水經云下邳陳球墓前有三

碑弟子管寧華歆等造

漢隸  
字原

### 陳球碑陰

故吏

闕九字

息

故吏

闕二字

平恩

闕三字

祖早終

息

權

闕下

故

吏

闕二字

嚴

闕三字

五百故吏

闕四字

允明千故民

闕

繁

闕

嚴

闕

子夏二百故民

闕二字

嚴追季祖三百故民

闕

嚴

闕

李

闕

嚴

闕

李

安二百故民

闕二字

許

闕

顯德二百故民

闕

遣

闕

二百故

闕

故

吏

闕二字

吳憲元將千故吏

闕

毛

闕

君

闕

五百故吏

闕

二

王

闕

子

闕

五百故吏

闕

元起

闕

五百故

闕

侯高君

舉五百故吏

闕

周清文德五百故吏

闕

趙

闕

子興

闕

子興

闕

興

五百故吏字 闕 二 岐周子然五百故吏字 闕 二 李忠世持二

百故字 闕 三 王茂季盛千上 闕 公乘儀元表二千上 闕 趙下 闕 故

吏繁下 闕 故吏繁陽下 闕 故吏繁陽下 闕 故吏繁陽李下 闕 故吏

繁陽李下 闕 故吏繁陽下 闕 故吏繁陽劉下 闕 故吏繁陽張下 闕

故吏繁陽字 闕 三 公五百故吏繁陽劉字 闕 三 三百故吏繁

陽字 闕 三 嚴五百故吏犁陽郭字 闕 二 選五百故吏內貫馮

字 闕 三 三百故吏內黃焦松字 闕 三 二百故吏庠企李字 闕 三

千故吏庠企王字 闕 三 二百故吏陰安審配字 闕 二 三百故

吏陰安

闕

訓

闕三字

千故吏列人孟條

闕二字

二百

右陳球碑陰故吏故民凡四十人各有出錢之數陳公兩碑書法皆不精此則遠過之球一為令三為守繁陽既有異政復典其郡則惠露所需為多南陽零陵去下邳道遠故立碑皆魏郡之民吏惟一孟條則鄰郡鉅鹿之人也此碑惟存穿之下橫兩列餘皆剝落矣其前二行特書兩人之事與它碑不同雖文字漫滅不見其全行之上皆云故吏其中皆有息字次



行息之上又有早終字蓋謂二人者已卒所出緡錢則其子也碑以二人居右必其府之元僚也水經云下邳陳球墓前有三碑是弟子管寧華歆等造此碑所見皆故吏故民而無管華姓名豈與劉寬碑相類其一則弟子所立乎又姓苑載吳氏兄弟各分一姓曰吳春桂炗字皆九畫一音引漢太尉陳球碑陰有城陽吳橫此碑亦不見之若非石損則恐是彼一碑也陳公兩碑皆在淮陽莫適為先後趙氏但有一碑

陰而水經謂墓前有三碑似亦指碑陰為一也此碑

有兩裂文與前一碑同故附之其後隸釋

碑以犁陽為黎陽全上

### 陳球後碑

君諱球字伯真廣漢太守之元子也蓋周存六代媯滿

繼寘建國于陳還完祖齊實為陳氏公下闕父自營州來

宅海淮世耽典籍通勤誨振裘褐即徵聘荅宰司荷

顯貢者繼世而傳焉至公下闕劉憲欲下闕勸惠和高明果

克甘味道藝強學博物凡墳素遺訓聖賢立言掬精極

微無乎不究闕下除郎中尚書符節郎恒陵園令換中東

城門候選繁陽令養老長孤救災匡困化惡以善擾送

以闕下幸厥澤鴻醇則百姓敬之如神祇愛之如慈親矣

暨于孝績遭季母憂祀紀向闕羣公爭招遂闕下拜侍御

史爾時蠻闕下賊胡蘭李研等蜂聚蛾動剝落荆揚出陟

命將輒有奔北之困太尉楊闕下公巖闕下曲陳為鷲為闕下

兵揚霆激暮月獻捷有詔厚賜榮書嘆述續遇畔兵未

蓋等建闕下三牧二守零陵之宜初闕下阻闕下土地平夷編

木為城舊有過寇未嘗能亢蓋等望闕下以為闕下入便

就館穀公慨然抑笛妻子从鎮民心擐甲登埤親帥吏

士身當鋒闕下圍城至乎旬有六日傷焰稍逸仍隨馘截

威震南夷功光王室詔拜子為郎闕下優闕下勞事列闕下

遷魏郡太守徵拜將作大匠會孝桓皇帝崑實掌梓

宮闕下事身安荼闕下南陽太守父病去官居家半羊臥授

廷尉八議寔闕下無牽民乃遷衛尉遂作司空闕下土闕下

濟可黜否不闕下盈致仕復拜廷尉進登大常三祀咸

闕下時西戎衣王選闕下朝闕下舉荒傷干戈斯戢闕下

黜又拜永樂少府年六十有二闕下光闕下和闕下執法三應符

守八佗卿闕下任相闕下慎在宰割闕下茂恩樹闕下為志

闕下特立闕下顧秉心茲隆天命弗闕下嗚呼哀哉闕下是

凡我困矇洒掃之闕下廓闕下虛慙將闕下稚泣涕漣如惟闕下

衣朽實在傳紀乃相闕下勲績銘闕下玄石闕下

臨萬國降茲闕下毘爰

作民牧遠鎮南關下關近撫關服艾下關

凶靈虐播

思下關升大鹿沛乎如川礪下關猶獄下關休休之志天下關為

之墮我梁下關勿思是用鑽勒永下關萬基

右漢故太尉陳公之碑篆額公既不得其死門人或

畏憚凶焰必不敢立石雙表兩碑之前幾二百字可

讀其末則文字凋落如晨星相望豈其間盖有憤懣

哀切之語後來益有所懼而剔之乎漢人隸法有所

謂省文者如爵之為耐鶴之為雀是也經傳多書蟻

作蛾似亦是省文左傳蟻析戴記蛾子時術列子未  
聚禽獸蟲蛾黃帝紀淳化鳥獸蟲蛾元帝紀白蛾羣  
飛蔽日長楊賦扶服蛾伏皆讀蛾為蟻隸釋仲秋下  
旬碑有蛾附之句此云蜂聚蛾動亦蟻省也 弘即

引字

隸釋

安平相孫根碑

府君諱根字元石司空公之伯子樂安太守之兄子漢  
陽太守侍御史之兄栗氏令之考厥先出自有殷玄商

之系子湯之苗至于東曰大雲我仁聖丕定周封于之墓

肩裔分析避地匿軌姓曰孫爲

闕

各以文憲將

相諸國君其胄也於君權輿發基有疑受性明敵聞一

知十誦詩習藉研綜其真講

闕

童冠自營發憤臨

川教誨不倦節操忼慨旤毅仲行東臈立朝政事敏通

心小志大日宵左公

闕

琦其分

闕

式叙在位極

驥之路察孝抱疚中司乃就匡鼎以忠三事歸稱遷鄆

長興吏所好去

闕

貞有成遷雍奴令先施博愛



威而不猛換元氏考城令以塞延竚後我之望圻甫考

績堅朝簡

闕

議大夫升降闔闔天子是禪讜言

未列遭公夫人憂憔悴消形齒不見口服闕徵拜議郎

謁者

闕

濟濟衍謗不撓遷荊州刺史蠢爾獫狁

闕

手稽顙德澤沛征速於置却聖上貪暱徵拜議郎

御

闕

坐無雙輔弼唐虞上稽

闕

古功紀宗蘇無

善不章遷安平相遵循前列五教

闕

訪赫赫之譽

闕

溫之仁以寧土彊求已不媚以疾去官闔門守

家不競時榮養育孤穉以保壽年上乾弗祐獲疾固

闕

七十有一以光四季十二月乙巳卒嗚呼有哀

孝嗣夙夜不舍嚴父孝孫臨殯禮服承後恻怛有感

闕

惟古聖孔尼喪鯉羸縮有命不可增損於是握粟卜葬

中垆尉

闕

奔卦充衢塞途同胞惻愴涕淚交零呱呱豎

子號咷共聲故吏門生邦人咸曰令問弗銘

闕

勒孰覩

孰聞乃立石碑昭名不朽其辭曰

皇矣府君舍德厚純恢廓術藝以道益民行行義勇無

猾不儻抑抑珪質光容有暉綏強以闕弱以仁罰惡

以威賞善闕思仲伯撥亂蔡足調權闕巖恪色正不犯

子養闕珉化與產闕配哉九域闕相彼大國東管儉不

損晏宣慈惠和果不可誣桓桓烈烈剛不可折闕

城闕其闕父闕衽子孫闕不闕

右漢故安平相孫府君之碑隸額在密州孫君名根

嘗為諫大夫議郎謁者出宰四邑刺荊州相安平以

靈帝光和四年卒司空者名朗永壽中自太常為三

公姓氏書未嘗以孫氏為比干之後碑云至于東曰  
大虐戕仁聖武定周封干之墓說文音𠵽為喧按班  
孟堅幽通賦云東曰虐而殲仁注云曰古鄰字謂紂  
也仁即三仁也碑中之語蓋出於此則是以𠵽為曰  
以戕為殲或為戕也比干墓在衛州汲縣其俗立三  
仁像併商紂謂之四王廟以四月四日為比干誕日  
承平時祠具甚盛雖千古尊仰英風敬事不懈沒而  
有靈必不與獨夫共此血食也廟有後魏孝文弔比

干文唐太宗賜比干詔兩石刻魏之文云鬼侯已醢  
子不見與刑侯已脯子不聞與微子去矣子不知與  
箕子奴矣子不覺與何其輕生一至於斯與何其愛義  
勇若歸與又云虛名傳於千載詎何勲之可揚奚若  
騰魂以遠逝飛足而歸昌得比肩於尚父卒同協於  
周王哀傷頓挫其詞甚多魏主羶裘之裔也乃能遐  
想忠魂駐輪往弔宜其禮賢納諫治道浸興魏鄭公  
願為良臣一碑尚猶仆之雖封干刻詔視拓跋有慚

德矣此碑體豐而勢逸字法與漢代它碑絕不類惟  
華山亭一碑差相近爾唐韓擇木史惟則輩蓋得此  
筆意今之言漢字者則謂之隸言唐字者則謂之分  
殆不知在秦漢時分隸已兼有之唐張懷瓘書斷云  
蔡邕八分入神隸入妙又云張昶八分碑在華陰今  
華山所存漢碑凡四華亭一碑乃昶分書也又云八  
分者秦羽人上谷王次仲所作始皇時官務稍多得  
次仲文簡畧赴急速之用甚喜遣使三召不至漢和

帝時賈魴用隸字寫三倉隸法由茲而廣蓋八分為  
小篆之捷隸又八分之捷其贊八分則曰龍騰虎踞  
兮勢非一交戟橫戈兮氣雄逸其贊隸則曰摧鋒劒  
折落點星垂說詳其說而察其字則孫根及華亭碑  
為漢人八分無疑矣唐人自稱八分蓋有自來考古  
博雅之士更為辨之

隸釋

閻讀為閻儻讀為賓空即虐字醜即耽字暉即肇  
字最即鼎字繇即彘字教即教字赫即赫字陔即

域字

上全

右安平相孫根碑云府君諱根字元石司空公之伯  
子樂安太守之元子漢陽太守侍御史之兄乘氏令  
之考厥先出自有殷玄商之系子湯之苗又云聖武  
定周封干之墓胤裔分析避地匿軌姓曰孫焉又云  
遷鄆長雍奴令換元氏考城令諫議大夫拜議郎謁  
者遷荊州刺史徵拜議郎遷安平相年七十有一光  
和四年十二月乙巳卒碑在今高密縣所謂司空公



者桓帝紀永壽三年太常孫朗為司空注云朗字代平北海人漢三公名亦云朗北海高密人余嘗觀漢時碑碣載其家世皆止書官爵蓋為子孫作銘不欲名其父祖爾此最為得體然非當代顯人則遂莫知其為何人也又按姓苑姓纂諸書皆云孫氏周文王子衛康叔之後衛武公子爾為衛上卿因氏焉今此碑乃云出于商比干之後蓋古人或因賜姓命氏或以官或以諡或以封或以居或以王父字為氏故姓

氏雖同而源流或異書傳闕漏不載者多矣金石錄

漢安平相孫根碑在高密縣西南五十里天下碑錄

光和四年立在密州隸釋云此碑體豐而勢逸不類

漢碑也唐韓蔡輩蓋得此漢隸字原

### 孫根碑陰

中軍督孫玄象孫彥龍大中孫孝考舍人孫延叔博昌  
領校孫叔淵孫九原大中孫始中大中孫長原舍人孫  
長聲舍人孫長陵中郎孫休聲大中孫子固五官掾孫

真伯五官掾孫稱仁舍人孫元會中郎孫長宰舍人孫  
玄固大中孫伯倫大中孫遺緒陽豐長孫長升郎中孫  
長恂大中孫玄秋舍人孫登文舍人孫方聲舍人孫孟  
初中郎孫紹世計史孫穆元孫孟昭駙馬都尉孫孟陵  
計史孫元俊孫元威大中孫叔元孫仲俊孫士應舍人  
孫巨先計掾孫朝鳳督郵孫長威孫彥威大末尉孫仲  
春孫士威孫威弘孫令輿孫玄虎孫應陽孫仲有孫休  
仁孫伯譽孫世治孫宗嗣孫延熙孫來舒孫義伯孫子

雲益闕領校孫夷叔孫延嗣中郎孫穉承孫元中孫稚

始孫時祖孫道安孫林夏孫祖房孫世群孫玄通孫林

舒孫方冕孫休明闕領校終利士楊孫望之大中王

延祖孫宣瑜孫令機中郎孫長同孫承初闕世龍孫長

應終利延世孫俊延終利茂真孫長春終利道機駙馬

都尉王應明閔世玄孫震光孫士俊孫世祖孫玄祚舍

人王仲基孫長元王延夏孫叔元劉俊文孫士基孫林

衡劉孟真閔立長龍孫玄疑萬君翁孫初基孔季闕孫

上英孔世俊孫闕桓徐士英孫闕浩景同督郵孫徵

時孫班梁王弘春劉彥闕孫武龍大中王闕孫慶高郎

中闕臺孫長芝闕洪度祭酒孫士中中舍人閭丘長

世孫公儀孫闕周孫景秋孫世尼孫林祖孫祖林孫孟

袒孫林季孫叔祖孫列秋孫武秋孫延基孫世治孫景

安孫道文孫休英孫萬春孫祖倫舍人孫稚龍孫泰斌

孫道開孫士昭孫斌初孫道寧孫長里孫元春孫雄真

孫元安孫龍舒孫伯康孫仲豐闕孫弘柵孫乾泰孫

宣明孫黃伯孫祖玄孫公威孫泰夏孫休祖孫平叙孫  
林夏孫君冲孫威明孫泰遠孫君雅孫君治孫鉉藐孫  
泰雲孫道倫孫泰真孫子長孫泰冲孫威平孫引奉孫  
次昌孫元齊大中孫長明孫闕發大中孫延宗孫欽伯  
大中孫延武孫万應孫寧將孫令元孫偉範孫宣祖舍  
人孫偉明孫道林孫龍威孫長平孫武祚闕領校盧

闕五官掾孫彛仲大中王彦康孫平舒舍人王彦祖

孫義叔王延林孫承舒王顯祖孫伯智孫祖仲孫士桓

孫玄寶計史孫孟本孫大石孫士和孫洪基孫延威孫  
陽治孫祖初孫陽季舍人孫玄發孫列闕孫世固孫稚  
權孫暉中孫泰權孫玄治孫道銜孫元祖孫惠儒孫武  
曹孫泰真孫初平孫頤期孫元寵孫尚忠舍人孫德林  
孫威御孫惠明孫闕公孫令明孫闕元孫穆恭孫景威  
孫定表孫景雲孫方倫孫弘闕孫彥伯孫景闕孫長舒  
舍人孫闕應孫闕元

右孫根碑陰可辯者凡二百四十四人異姓纔十之

一爾有嘗仕縣邑者數人陽豐長太末尉是也其駙  
馬都尉祭酒中人中郎五官掾督郵計史計掾則漢  
官也有博昌領校等數人張納碑亦有領校安漢長  
樊敏稱領校巴郡太守蓋是未命於朝者其中軍督  
則非漢官明甚又有大中十四人陳勝傳以朱房為  
中正兩漢無之魏陳羣始擇州之有鑒裁者為正晉  
宣帝加置大中正故有大小中正乃是晉官當時省其  
正字此碑字畫苟且尚不及魏末諸刻殆類吳晉間



下品書札爾似是孫根後裔衆多譜其名於中上世

之碑陰也異姓有王劉數人雜其間豈其姻戚乎

隸釋

碑陰云中軍督孫玄龍大中孫孝考舍人孫延叔等

可辯者二百四十四人異姓纔十之一中軍督似非

漢官又有大中十四人不知何官字畫苟且尚不及

魏末諸刻殆類吳晉間下品書札爾似是孫根後裔

衆多譜其名於上世之碑陰也

復齋碑錄

碑有中軍督疑非漢官又有大中十四人殆不可曉

字畫類晉隸

漢隸  
字原

童子逢盛碑

童子諱盛字伯彌薄令之玄孫遂成君之曾孫安平君  
之孫五官掾之長子也胎懷正氣生克自然拊育孩嚶  
弱而能言至於垂髫習惠聰指過遮受誠退誦詩禮心  
開意審聞一知十書畫規矩制中園梳日就月將學有  
緝熙寸亞后橐當爲師楷自天生授罔不在初謂當功  
遂令儀令色整齊珪角立朝進仕究竟人爵克啓厥後

以彰明德肩嗣昭達何寤季世顛天不惠伯彊涇行降  
此大庾年十有二歲左協給五月乙巳啞喑不反友墮  
精晁苗而不季命有愆拒無可奈河慈父悼傷割哀回  
鯉其十二月丁酉而安措諸永潛黃壚沒而不存於是  
門生東武孫理下密王升萋感慄三成一列同義故共  
刊石叙述才美以銘不朽其辭曰

嘉慈伯彌天授其姿奄克岐凝聰敵敵達當遂遍迪立  
號連基時非三代符命無恒人生在世壽無金石身潛

名彰顯於後葉光和四年四月五日丁卯立

右逢童之碑篆額在維州靈帝光和四年立童子名  
盛年十二而天門人孫理等立此碑文其云才亞后  
橐當為師楷甘羅曰項橐七歲為孔子師董仲舒傳  
孟康以逢巷黨人為項橐趙廣漢傳銛籥之銛音項  
碑以童子當為師楷故比之項橐后銛偏旁相類銛  
有項音故借后為銛又借銛為項也歲在未曰協洽  
史記亦作叶洽又作汁洽此作協給亦借也漢碑雖

有範字而楊著碑云喪茲師范司空碑云納我鎔范  
與戴記范金合土荀子形范正金錫美之類正同椀  
與帆同音此云制中园椀者又借椀為范而用园為

模也

隸釋

碑以柜為矩奈河為奈何激為激邁迪為委蛇習

即智字磬即啓字在即蚤字

全上

右逢童碑刻畫完好云童子諱盛字伯彌薄令之玄  
孫遂成君之魯孫安平君之孫五官掾之長子也又

云年十有二歲在協給五月乙巳噓喻不反天隕精  
晃於是門生東武孫理下密王升等共刊名叙述才  
美以銘不朽焉其後題光和四年四月五日丁卯立  
碑舊在濰州昌邑縣近歲乃移置郡中云

金石錄

童子逢盛碑光和四年立天下碑錄云在濰州俗云  
董孝碑元在昌邑政和三年徐脩之遷於倅治之墨  
妙亭漢人書碑其式不一此碑字行或疎或密若楊  
太尉碑則畫方井井景北海碑則以重文附于旁孔

梁相碑則首行尚左華嶽碑則文出其列間或隔行  
或空字近世藏碑者欲便于展玩往往皆剪裁聯屬  
不復見古人之制矣

漢隸  
字原

### 逢盛碑陰

五官掾崔孟祖五官掾呂仲謙督邾莒敬賓督邾周便  
祖督邾梁懷則督邾司文封盛督邾莒后升  
右縣中士大夫

高密徐承興祖平壽孫嘉世賓下密王升高 瑯邪東

武孫理子義

右家門生

刁真解子逢信伯臺

右逢盛碑陰甃后升已右曰縣中士大夫者其父黨也故不名刁真逢信在家門生之左又其微者司馬相如云烏獲逢蒙之技王褒云逢門子彎烏號藝文志亦作逢門即逢蒙也古今人物表有逢於何數人陽朔中有太僕逢信左傳有逢伯陵逢丑父東漢有逢



萌編古命氏逢絲為趙王傅莊子羿逢蒙不能睥睨  
淮南子重以逢蒙門子之巧皆作逢迎之逢龜策傳  
羿名善射不如雄渠蠱門注引七畧有蠱門射法則  
劉楮又借蠱為逢也至孟子則云逢蒙學射於羿楊  
子羿逢蒙分其弓後之言姓者始皆作逢石刻有漢  
故博士趙傳逢府君神道逢童之碑其篆文皆从夆  
魏元丕碑有逢牧孔宙碑陰有逢祈此有逢信亦不  
書作逢予謂漢儒尚借蠱為逢則恐諸逢當讀為鼂

鼓逢逢之逢爾

釋隸

右逢童碑陰題云右家門生右縣中士大夫凡十三

人有督郵璉敏賓璉后升司文叔盛姓字按璉與司

文姓氏書皆不載今誌于此

金石錄

盛年十二而有門生孫理等為立碑碑陰有縣中士

大夫又有家門生

漢隸字原

涼州刺史魏元丕碑

君諱

闕

字元卒京地

闕

身都尉出下有畢萬者僂去仕

晉遂勛封魏秦闕下良爰暨于君稟乾氣闕下純歸履輔爰

也闕下聖喆闕五苞容允執虔恭其仕州郡也躬素忠蹇

犯而勿欺兼綜憲法通識百典闕下孝廉除郎中尚書侍

郎右丞遭泰夫人憂服闋還臺拜尚書侍郎兼總闕下廷

科績特拜左丞每在選舉遜讓匪石鑽前忽後遂耽恩

舊章尋徹貫闕下敝闕下樞衡匡弼九年而凶銜西羗放動

餘類未輟訓咨羣奈惟德是與拜涼州刺史闕下流呂盪

耶志樂季文粟帛也公儀徹織庖園也節崇文德以

來遠斑闕下纛戎實服干戈戢藏施舍弗券求善不戢

舉不共選官不易方百工惟時闕下有優洋洋與乎若德

光耀冠乎諸牧蓋四時出序功成則退君屢辭曰疾三

闕下無爾而垂式度不可草幣芾其繼而眉耆不往温疾來升

春秋闕下十光和四闕下民共慈父四海出內莫匪摧傷於是

故吏茂才雲中大守漢陽闕下曹從事闕下威較琰等不遠

萬里斷制襍裳感恩奔哀乃與門生平原曹跽等闕下山

闕下石闕下

於戲使君既膺涑德貢躡帝宇入叅文昌出化西土仁

義充行澤洽闕下德世記其軌辭疾輕居棄榮潛處不卒

符宿究是台輔三方共闕三黯闕下沮落不苗牽禹二書

應闕下鑠于巳丑辰五盈虧猶有代序闕下茲后土光耀闕下

尚書令弘農宜陽周嘉彥英故并州刺史伯柳彦高故

豫州刺史朱虛炅襄公遷故東萊大守梁國碭陳闕三

樂浪大守劇騰述元才議郎河南鞏王暹元肩海陽令

逢牧左伯闕下令沛國闕下周龍秀興齊闕下簿令劇皇循

恭義膠東令東萊黃闕下仲真尚書郎番尋闕下上闕下故廣

宗長淳于孫典禮闕下故孝廉劇嚴闕下景故闕三部司闕下

河南張循闕二字

右漢故涼州刺史魏君之碑篆額碑損其名有其字

曰元丕在朝為郎中尚書侍郎左右丞出刺涼州以

靈帝光和四年卒故吏雲中守門生曹君共立此碑

碑有京兆牙都尉五字而缺其一盖安帝所置虎牙

都尉也范蔚宗避其父諱後漢書無泰字郭林宗鄭

公業之名皆易之漢人書碑廟號如太宗官名如太尉太常太守太中地名如太原太陽之類皆作大泰山亦作大此碑載魏君之母却作泰夫人其用字故相反如此其間弗倦作弗券夷戎作彛戎它碑所未

嘗用者又以訓咨羣奈為疇咨羣寮蒂蒂其縱為蔽

蒂其蹤彛即彛字

隸釋

右涼州刺史魏君碑文字殘闕族系名字皆不可考其粗可見者察孝廉除郎中尚書侍郎右丞卒於光

和四年而其額題涼州刺史魏君碑云金石錄

光和四年立在濰州漢隸字原

司隸從事郭究碑

君諱究字長全波人也其先出自郭并應運挺度寔有

懿德文武諳焉猗枝雲疏班關華夏世載今問昭前之

光咸據玄謨理物佐時君則元城君之孫雒陽君之適

南和尚書濟北軍中臨沂徐州中山君之從子也河岳

降社秀而有路孝弟恭肅與性俱成溫慈惠和觀義輕



財懷刑拜謹舍已從人蹈中庸之路處正直之節內省

不疚兼姿

闕

問物格能

闕

臨疑弗惑弱冠踐郡歷主簿

督郵五官掾功曹守令長舍章吐忠或從王事嚴愴

莊字

可恐果順可愛進議替否所舉見則雖趙武之佐晉宋

甫之厲色掾壽撰功君其越諸辟司隸從事部郡都官

耽耽鷹揚所莅以齊翕然之論風飛川流本朝察孝貢

器帝庭恬榮忽浮委爵禮讓羣公側席書垂置郵不奪

桓祚命登六辰春秋廿八而卒中平元季歲在甲子三

月而葬悲夫破鑿鉚之刃而不宰元摧晨風之翼而不  
厲天者姪士女嗚悒惟憾戚孤嗣叫號涕零如雨咸曰  
闕晨有歿歷數猶終自古迄茲孰能保存生榮死哀奕  
貴遺稱敢慕衛悝讚先之義乃伐石興碑以旌厥魂俾  
後永有鑑焉其辭曰

於爍我君皇精蘊良昭德塞違克紀克綱握拒綜闕規  
步履方麟跼清朝委蛇自公棟隆千里庶績艾康佐命  
牧伯扶義遏私闕繩彈枉屬以改闕榮名京邑滕柏知

幾當享爵壽作漢輔毗靈祇貪哀逝葉翼徹詰人其徂  
萬夫慘惓銘勲金石以慰孔衷

右漢故司隸從事郭君碑篆額在河陽郭君名究仕  
郡諸曹史辟司隸從事年二十八而卒靈帝中平元  
年葬碑歷叙其諸父與郭仲奇碑同惟竹邑侯相此  
云南和蓋互舉之也竹邑者侯國屬沛南和者鉅鹿  
之邑漢列侯大者食縣置相一人其秩各如本縣主  
治民如令長爾號叔見於周書左傳皆然獨公羊以

虞號為虞郭後之言姓者稽焉此碑遂以號叔為郭  
叔也郭君盛年短祚作碑者哀傷之謂鏌鉞破刃晨  
風摧翼可也何至以辰象沒歷數終為比乎

釋隸

碑以刑為刑姪為耆孳為鏌惟為摧

全上

右漢司隸從事郭君碑云君諱究汲人也元城君之  
孫維陽令之適歷主簿督郵五官掾功曹守令長辟  
司隸從事部郡都官春秋二十八而卒中平元年歲  
在甲子三月而莫據北軍中候碑為元城君子而弟

為雒陽令考其世次皆同前世碑碣但書子孫而不  
及兄弟惟郭氏碑載其兄弟甚詳蓋古人譜牒既完  
而于碑碣又詳如此可見其以世家為重不若今人

之苟簡也

集古錄

右漢隸不著書撰人名氏究字長

碑缺汲人也官至司

隸從事碑以中平元年立在河陽

集古錄目

在孟州濟源縣

天下碑錄

幽州刺史朱龜碑

君諱龜字伯靈廣陵太守之孫昆陽令之元子也君系

祖考之鴻軌履大和之

闕

世載德不隕

闕

仁義

成於東脩孝弟裨其本性然而虛已下士勞謙克

闕

厚載多容察孝廉除郎中尚書侍郎以將事去

官三府更辟以大尉高弟

闕

堂之論建弘遠之

議磔落煥炳臨疑獨逝故能光明越聞顯於區夏英聲

闕

公族于時益州蠻夷侵寇邊鄙陸梁山野

為害日甚朝廷以君文能

闕

武不

闕

御史中丞

討波亂略君統整羣帥方謀並設威神庭電燭于上下

至闕郡闕授手乞降永昌大守曹鸞上闕解

黨呂不糾擿獲戾晋靡潜亏闕巷羣闕六辟輒呂疾辭

鮮卑數犯鄯塞僉復舉君拜幽州刺史爾乃邁種闕九

禁呂糾姦宄養讙絲時雨之澍品物除惡如農夫務

去草疆闕九其畱土門衛施柝而無怵惕百姓不復

屯其城鄔出塞追殺闕十咨歎榮策詔并涼呂君為

式命不少延幸六十四呂光和六年闕十故更牟化

等僉呂為夫有嘉功祀而不輟或銘鍾鼎書

闕

是述

闕九

已乃立碑常而化頌曰星精壹縉馮儀詒人我

君受之膺其淑真研綜英藝實好斯文

闕九

困激磬

名懿允升蠢爾夷貉蕩我邊氓銜命督使武氣颯騰董

呂

闕八

幽方不衍天常撫呂仁德渙若風翔分命部

隊出竟觀兵

闕

禽遠驅

闕七

甲綏我土曷降丰永

匱民之望烈烈遺勛景焱彌光

右漢幽州刺史朱君之碑篆額有陰在亳州朱君名



龜石有碎落不能詳其官闕其可考者嘗以御史中丞督捕益州蠻又為幽州刺史禦鮮卑爾靈帝光和六年卒水經云故吏別駕從事史右北平無終牟化中平二年造碑碑陰故吏姓名悉薊涿及上谷北平人後漢帝紀熹平五年四月益州夷叛太守李顥討平之五月永昌太守曹鸞坐訟黨人棄市門生故吏在位者皆免官禁錮西南夷傳云蜀郡諸夷反執太守雍陟遣御史中丞朱龜討之不能克李顥發板楯

蠻討平之所載與紀傳合趙氏謂碑云授手乞降非  
實錄也予謂碑中初無斬首獻俘策勲受賞之語但  
云乞降未嘗受降何害於理乎

隸釋

碑以礫落為磊落庭電為電霆壹緼為網緼罔即

播字

全上

過水又東逕朱龜墓北南流冢南冢南枕道有碑碑  
題云漢故幽州刺史朱君之碑龜字伯靈光和六年  
卒官故吏別駕從事史右北平無終牟化中平二年

造碑陰刊故吏姓名悉薊涿及上谷北平等人水經注

右漢朱龜碑云字伯靈察孝廉除郎中尚書侍郎以

將事去官於時幽州州下滅一字夷侵寇以君為御史中

丞討伐其後磨滅又云鮮卑侵犯障塞復舉君拜幽

州刺史時年六十四光和六年卒龜之事迹不見史

傳其僅見於此碑者如此碑在今亳州界中云將事

去官莫曉其語又云後余守亳州徙碑置州學中

集古錄

右不著書撰人名氏字為隸書龜字伯靈廣陵人官

至幽州刺史碑以中平中立

碑缺不在  
見年數

在亳州

集古  
錄目

右幽州刺史朱龜碑在今亳州酈道元注水經云渦  
水東逕朱龜墓北東南流冢南枕道有碑題云漢故  
幽州刺史朱君之碑龜字伯靈光和六年卒官今以  
碑考之與道元所載皆合歐陽公集古錄云龜之事  
跡不見史傳獨見于碑爾余按後漢書西南夷傳熹  
平五年諸夷反叛執蜀郡太守雍陟遣御史中丞朱

龜討之不能克太尉掾李顥建策討伐乃以顥為益  
州太守發板楯蠻擊破平之常璩華陽國志亦載其  
事與史同惟史與華陽國志皆言龜不能克而碑云  
蠻夷授手乞降二說不同疑碑所書非實錄也

金石錄

余得朱龜碑迺考次其文曰龜字伯靈察孝廉除郎中  
尚書侍郎以將事去官于時益州夷侵寇以君為御  
史中丞討伐鮮卑侵犯障塞復舉君拜幽州刺史集  
古謂龜事蹟不見史傳其僅見此碑者如此余曰文

忠偶未考爾龜事見漢書甚詳華陽國志曰靈帝熹  
平中蠻夷復反益州太守雒陟遣御史中丞朱龜將  
并涼勁兵討之不克朝議不能征欲依朱崖故事棄  
之太尉掾巴郡李顯益州太守與刺史龐芝伐之徵龜  
還顯將巴陵郡版楯軍討之皆破後漢書記熹平五  
年諸夷叛執太守雒陟遣御史中丞討之不能克朝  
議欲棄之太尉掾李顯建策討伐乃拜顯益州太守  
擊破之還得雒陟今以碑為据則漢書謂夷執雒陟

朝廷遣龜李顥擊叛蠻始得離陟則龜皆非其功故  
碑自略之其可考也昔常璩書蜀事最詳范曄修漢  
書多依用之至謂益州太守雖陟遣御史中丞朱龜  
則誤矣漢御史中丞在殿中察舉非法其出繡衣持  
斧墨綬以下得擅誅則太守非遣况龜為御史中丞  
非朝廷遣之豈更有他任而居外者耶其將并涼勁  
兵又益州得專而用哉或曰別本國志有蠻夷復反  
誰沒故益州太守遣御史中丞朱龜討之余曰如此

則里學小兒語也雖沒故益州太守且何詞也哉而

曰遣御史中丞者便為朝廷三府豈不益陋耶廣川書跋

漢幽州刺史朱龜碑在譙縣墓下碑錄

幽州刺史朱龜碑中平二年立在亳州水經云龜光

和六年卒于官故吏牟化中平二年造漢隸字原

外黃令高彪碑

上闕十師求仁無遠四字

師事闕尉汝南

許公闕在精橫畫闕十敏達義理恢廓天地之道闕



王公之事令問闕章為數者宗稟積篇藉萬闕

開於左氏桓帝時上立博本章文襜袍類乎班賈京

夏碩儒海內雋彦靡不擬闕於是郡請州闕栢不

闕就至亏數四冀勢利之權庶幾兮仁義之道闕孝

廉闕徵行闕病闕就闕被朱衣闕步

三署恬虛守約五十以數弘農楊公為光祿勳乃闕表

君闕取闕觀蹕兮闕所著斐然邈兮難迨

超等出群遷外黃令聖朝宗虔特加禮饋闕以闕乃祖

六藝之一錄 三五

錢三萬

關

詠到官

關

古譏今奢煩形不

妄濫恩如皓春獄獄生少邦無怨聲百工

關

咸列厥

所中和之化洞亏皇亞三單窗莫與比縱州郡表政聚  
稱紀功垂當臨典爲牧爲守人鬼之謀綏期朝莫君舉  
將潁川大守南陽文府君徵論廷尉君感綱紀捐官卦  
義吏民攀車解銜脫軌遂志確然終不反顧呈行載驅  
不日係路飢不及滄至以生疾光和七季龍在困數月  
次驛火六日丙申卒邦喪楨幹家共橈梁遼黨感慟凡

百切傷楓樞旋歸故吏門生奔送相逋盈道充涂如雲

如

闕

旒翩翩靡不哀惟痛兮墮歿不待者堯昭德兮

銘其辭曰

光光高君命垂作蕃流化外黃篋啓翟檀當州尹

闕理

陰陽

闕

申甫稽功猗衡薦禮崇義忽於官榮

闕

逝將節行邈然何天助順而不祐焉遵疴不永朝共鯁

臣孤嗣

闕

絕潁

闕

無聲百遼歎傷聖朝愍愴

闕

令德

亡有神魂身歿名紀闡于萬祀惟中平二季龍旂奮若

金定四庫全書  
卷四十七  
月次皇紀郡守廬江龍舒范府君假公侯之尊來典鄙

邦愼終追遠惟舊思

闕下

右故外黃高君碑隸額凡兩行石已損疑其上當有漢令二字紹興中吳郡取土於郭外而得之今碑在郡齋高君舉孝廉步三署令外黃受經於汝南許公受知於光祿勳楊公其舉將潁川太守文君詣廷尉遂捐官以赴之道病而卒碑之所載頗詳獨其名字皆剝缺不可考碑云光和七年龍在困敦月次鶉火

六日丙申卒蓋靈帝甲子年六月也是歲十二月改  
元中平又云中平二年龍旂奮若月次星紀龍舒范  
君來典鄙邦即乙丑十一月也乃是述立碑之事文  
苑傳有高彪字義方吳郡無錫人傳云彪為諸生遊  
太學有雅才而訥於言郡舉孝廉試經第一除郎中  
校書東觀數奏賦頌奇文因事諷諫靈帝異之第五  
永使督幽州百官祖餞於長樂觀皆賦詩彪獨作箴  
蔡邕等美其文以為莫尚也後遷內黃令帝勅同僚

臨送祖於上東門詔東觀畫像以勸學者彪到官有  
德政病卒詳史之所書甚與碑合家無錫而葬姑蘓  
盖不遠也則知此乃高彪之碑無疑但傳以外黃作  
內黃一字之誤爾東都五經博士春秋惟有嚴顏皆  
傳公羊者建武中因韓歆陳元之請嘗以李封為左  
氏博士羣儒數廷爭遂廢其官高君復上章於威宗  
時盖亦不行其言說書者以阿衡為倚平正義曰古  
人讀阿倚同音故以阿為倚此銘以猗衡對申甫若

取音同則是借倚作伊若以偏旁假借則倚阿皆與

倚相近也

釋隸

碑以禡為瞻形為刑縱為蹤遼為寮潛為潛進即

達字夔即夏字狽即犴字蒺即俟字鯨即鷄字邇

即隨字

上全

中平二年立紹興十四年平江守王喚取土郭外得

此碑移置郡齋石已糜爛中平二年字不復有矣隸

釋云即文苑傳高彪也

漢隸字原



六藝之一錄卷四十七